

Poziv na trening za trenere

[„Reporting Diversity Network 2.0“](#) poziva organizacije civilnog društva, aktiviste na lokalnom nivou, branioce ljudskih prava, novinare i urednike da uzmu učešće na radionici za osposobljavanje voditelja obuke u organizaciji mreže „Reporting Diversity“. Obuka će biti održana u Beogradu od 11. do 13. novembra i okupit će 30 učesnika sa cijelog Zapadnog Balkana. Organizatori će osigurati poštivanje svih potrebnih epidemioloških mjera.

Učesnici će steći vještine koje će im pomoći da bolje uključe stajališta manjina, prepoznaju govor mržnje, narative koji pozivaju na podjele te njihove pojavne oblike kao i načine kako da im se suprotstave. Trodnevna radionica fokusirat će se na tri skupa vještina: vođenje kampanje, zagovaranje i pravno djelovanje.

Organizacija „Reporting Diversity Network 2.0“ ima za cilj uvesti i uspostaviti nove prakse suprotstavljanja medijskim porukama podjele kroz pružanje alternativnih odgovora, zahtijevanje reakcije (medija, civilnog društva i/ili vlasti) i javno razotkrivanje počinioca.

Radionica je osmišljena da učesnike informiše o mogućnostima, kanalima, resursima i načinima na koje se mogu djelotvornije i aktivnije uključiti i suzbijanje neodgovornog i često nezakonitog ponašanja aktera u medijskoj sferi i učini ih dijelom svog svakodnevnog djelovanja na očuvanju ljudskih prava, vladavine prava i demokratskih standarda u regiji. To podrazumijeva bolje informisane i dokazima potkrijepljene akcije zagovaranja organizacija civilnog društva kojima se, kroz učinkovite kampanje, nastoji utjecati na politike, ali i na promjenu percepcije javnosti o neodgovornom ponašanju medija. Upravo iz ovih razloga obuka voditelja obuke koju organizira „Reporting Diversity“ fokusirat će se na jačanje tradicionalnih vještina učesnika, vještina vođenja kampanja na

društvenim medijima, kao i na vještinama zagovaranja.

Sve troškove putovanja i smještaja snosit će organizatori. U slučaju da imate neke posebne zahtjeve u vezi sa putovanjem i/ili smještajem, molimo da nam ih unaprijed saopćite u odjeljku za komentare. Zbog sigurnijeg radnog okruženja svaki učesnik morat će predočiti dokaz o cijepljenju ili negativan PCR test.

Da biste se prijavili, ispunite ovaj [obrazac](#) prije 24. oktobra. Odabrani učesnici dobit će obavještenje najdalje do 29. oktobra.

Projekat „Reporting Diversity Network 2.0“ osnovali su Institut za medijsku raznolikost, Centar za istraživačko novinarstvo iz Crne Gore, Centar za istraživačko novinarstvo iz Bosne i Hercegovine, Mreža za profesionalizaciju medija u Jugoistočnoj Evropi, Albanski medijski institut, Institut za komunikacijske studije, Institut za medijsku raznolikost Zapadnog Balkana i Kosovo 2.0. Mreža je uspostavljena u sklopu četverogodišnjeg projekta kojeg finansira Evropska unija, Balkanski fond za demokratiju, projekt njemačkog Marshall fonda SAD-a i Ambasada Kraljevine Norveške u Beogradu.